



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 06-11-180-22/24
Sarajevo, 14.11.2024. godine

Na osnovu člana 64. stav (1) tačka b), člana 70 Zakona o javnim nabavkama („Službeni glasnik Bosne i Hercegovine“, br. 39/14 i 59/22) i člana 8. stav (2) tačka d) Pravilnika o uspostavljanju i radu komisije za nabavke („Službeni glasnik Bosne i Hercegovine“, broj 103/14), na osnovu Preporuke Komisije za nabavku, broj: 06-11-180-9 /24 od 05.06.2024. godine u postupku javne nabavke roba: „Nabavka i isporuka lož ulja extra lako (LUEL) prema BAS 1002:2014 za zagrijavanje prostorija“, direktor Kantonalne uprave civilne zaštite Kantona Sarajevo, *donosi*

ODLUKU O IZBORU NAJPOVOLJNIJEG PONUĐAČA

Član 1

Prihvata se Preporuka Komisije za nabavku, broj: 06-11-180-20/24 od 14.11.2024. godine i Okvirni sporazum o sukcesivnoj nabavci lož ulja extra lako (LUEL) prema BAS 1002:2014 za zagrijavanje prostorija, dodjeljuje se izabranom ponuđaču HIFA - PETROL d.o.o. Sarajevo, za ponudenu cijenu od 151.575,00 KM bez PDV-a, kao najpovoljnijem ponuđaču.

Član 2.

Izabrani ponuđač je dužan da u roku od pet dana od dana zaprimanja obavještenja o rezultatima ovog postupka javne nabavke (Odluke o izboru najpovoljnijeg ponuđača), dostavit sve dokaze o kvalifikaciji (dokaze lične sposobnosti) koji su traženi kao uslov za učešće u ovom postupku javne nabavke, na način i u formi kako je zahtijevano tenderskom dokumentacijom za predmetni postupak javne nabavke, broj: 06-11-180-2/24 od 25.03.2024. godine i broj: 06-11-180-4/24 od 01.04.2024. godine.

Član 3.

Prijedlog Okvirnog sporazuma o sukcesivnoj nabavci lož ulja extra lako (LUEL) prema BAS 1002:2014 za zagrijavanje prostorija, dostavit će se na potpis izabranom ponuđaču u roku utvrđenim Zakonom o javnim nabavkama („Službeni glasnik Bosne i Hercegovine“, br. 39/14 i 59/22 – u daljnjem tekstu: ZJN).

Član 4.

Ova Odluka će se u skladu sa članom 70. stav (6) ZJN objavit na web stranici Kantonalne uprave civilne zaštite Kantona Sarajevo (www.kucz.ks.gov.ba) i to istovremeno s upućivanjem ponuđačima koji su učestvovali u postupku javne nabavke.

Član 5.

Za realizaciju ove Odluke zadužuju se Kantonalna uprava civilne zaštite Kantona Sarajevo putem Sektora za materijalno- finansijske poslove i Ministarstvo finansija Kantona Sarajevo, svako u okviru svoje nadležnosti.

Član 6.

Ova Odluka stupa na snagu danom donošenja i dostavit će se u skladu sa članom 71. stav (2) ZJN svim ponuđačima koji su učestvovali u postupku javne nabavke.

O B R A Z L O Ž E N J E

Postupak javne nabavke roba: „Nabavka i isporuka lož ulja extra lako (LUEL) prema BAS 1002:2014 za zagrijavanje prostorija“, pokrenut je Odlukom o pokretanju postupka javne nabavke, broj: 06-11-180/24 od 13.02.2024. godine.

Postupak predmetne nabavke sproveden je putem Otvorenog postupka javne nabavke.

Za predmetni postupak predviđeno je zaključenje okvirnog sporazuma sa jednim dobavljačem na period od 48 mjeseci od dana stupanja okvirnog sporazuma na snagu.

Procijenjena vrijednost javne nabavke lož ulja extra lako (LUEL) prema BAS 1002:2014 za zagrijavanje prostorija bez PDV-a je do 240.000,00 KM.

Komisija za nabavku je imenovana Odlukom, broj: 06-11-180/24 od 13.02.2024. godine.

Obavještenja o nabavci, broj: 282-1-1-29-3-26/24 od dana 25.03.2024. godine objavljeno je na Portalu javnih nabavki, kao i tenderska dokumentacija za predmetni postupak javne nabavke u sistemu „E-nabavke“, dok je sažetak Obavještenja o nabavci objavljen u „Službenom glasniku Bosne i Hercegovine“, br.: 22/24, dana 29.03.2024. godine.

Izmjena tenderske dokumentacije za predmetni postupak javne nabavke, objavljena je dana 01.04.2024. godine na Portalu javnih nabavki.

Ispravka za Obavještenje o nabavci broj: 282-1-1-29-8-38/24 objavljena je dana 20.05.2024. godine na Portalu javnih nabavki, dok je sažetak Ispravke Obavještenja o nabavci objavljen u „Službenom glasniku Bosne i Hercegovine“, br.: 36/24 dana 24.05.2024. godine.

Dana 12.04.2024. godine zaprimljena je žalba kandidata/ponuđača ALMY d.o.o. Zenica na navedenu TD. Komisija je ispitujući pravne pretpostavke za postupanje po predmetnoj žalbi, utvrdila da je žalba dopuštena, izjavljena od ovlaštene osobe i blagovremena ali da se ne može usvojiti jer je neosnovana, te je dana, 17.04.2024. godine pripremila izjašnjenje na navode žalbe, koje je zajedno sa žalbom i kompletnom dokumentacijom prosljedila Uredu za razmatranje žalbi BiH, Filijala Mostar.

Žalitelj je zahtjevao da se zbog neusklađenosti tehničke regulative u Federaciji BiH u pogledu kvalitete lož ulja extra lako (LUEL) za zagrijavanje prostorija, pored standarda BAS 1002:2014 prihvati i standard BAS 1002:2004 i s tim u vezi da izmjeni TD kako se ponuđači ne bi doveli u diskriminatoran položaj. U izjašnjenju prema Uredu za razmatranje žalbi BiH, Filijala Mostar, ugovorni organ se pozvao na član 12. stav (1) Odluke o kvaliteti tečnih naftnih goriva („Službeni glasnik BiH“, br.: 10/24 od 09.02.2024.godine) kojim je jasno definisano da ulje za loženje ekstra lako mora da zadovolji sve zahtjeve standarda BAS 1002:2014, a ista je stupila na snagu osmog dana od objave u „Službenom glasniku BiH“. U vezi sa navodima žalbe, Ured za razmatranje žalbi BiH, Filijala Mostar, je donio Zaključak broj: JN2 -03-07-1-1156-6/24 od 10.05.2024. godine kojim se žalba ponuđača ALMY d.o.o. Zenica odbacuje iz razloga neurednosti.

Komisija za nabavku dostavila je dana 11.06.2024. godine direktoru Kantonalne uprave civilne zaštite Kantona Sarajevo, Zapisnik o pregledu i ocjeni ponuda broj: 06-11-180-8/24 od 05.06.2024. godine, Preporuku ugovornom organu broj: 06-11-180-9/24 od 05.06.2024. godine i Izvještaj o provedenom postupku javne nabavke broj: 06-11-180-11/24 od 05.06.2024. godine.

Na osnovu dostavljenog Izvještaja o provedenom postupku javne nabavke, utvrđeno je da je Komisija za nabavku blagovremeno i pravilno izvršila otvaranje ponuda, pregled i ocjenu prispjelih ponuda o čemu je sačinila Zapisnik sa otvaranja ponuda i Zapisnik o pregledu i ocjeni ponuda u kojima je utvrđeno slijedeće:

- Da su u predmetnom postupku zaprimljene tri (3) ponude.
- Da su blagovremeno zaprimljene tri (3) ponude.
- Da nije bilo ne blagovremeno zaprimljenih ponuda.
- Da se ponude ponuđača HIFA PETROL d.o.o. Sarajevo i ALMY d.o.o. Zenica, odbacuju na osnovu člana 68. st (1) ZJN iz razloga što ponuđači nisu dostavili dokaze o ispunjavanju uslova na način kako je zahtjevano tačkom 3.3. Tenderske dokumentacije - Tehnička i profesionalna sposobnost – čl. 49. ZJN, podtačkom a), a kojom je jasno definisano da potvrda/e o uredno izvršenom ugovoru/ugovorima treba da se odnosi na isporuku lož ulja extra lako (LUEL) prema BAS 1002:2014 za zagrijavanje prostorija. Naime, navedeni ponuđači su dostavili potvrde za uredno izvršenje ugovora iz kojih se ne može zaključiti da se odnose na isporuku lož ulja extra lako (LUEL) prema važećem standardu BAS 1002:2014 za zagrijavanje prostorija.
- Da je ponuda ponuđača GREEN OIL d.o.o. Sarajevo kvalifikovana i prihvatljiva za ugovorni organ i da ispunjava sve uslove propisane TD.
- Kako je za predmetni postupak javne nabavke bilo predviđeno održavanje e-aukcije, a Komisija je nakon pregleda i ocjene ponuda zapisnički konstatovala da je od zaprimljene tri (3) ponude samo jedna ponuda prihvatljiva za ugovorni organ jer ispunjava sve uslove iz TD i izmjene iste, to se prema članu 4. stav (2) Pravilnika o uslovima i načinu korištenja e-Aukcije ("Službeni glasnik BiH" broj 80/23) u slučaju prijema jedne prihvatljive ponude e-Aukcija ne zakazuje.
- Da je Komisija za nabavku, dala Preporuku Ugovornom organu broj: 06-11-180-9/24 od 05.06.2024. godine da se donese Odluka o izboru najpovoljnijeg ponuđača, broj: 06-11-180-10/24 kojom se Okvirni sporazum o nabavci lož ulja extra lako (LUEL) prema BAS 1002:2014 za zagrijavanje prostorija dodjeljuje ponuđaču GREEN OIL d.o.o. Sarajevo.
- Da je Komisija za nabavku sačinila odgovarajući prijedlog odluke kojim se Okvirni sporazum o sukcesivnoj nabavci lož ulja extra lako (LUEL) prema BAS 1002:2014 za zagrijavanje prostorija, dodjeljuje ponuđaču GREEN OIL d.o.o. Sarajevo za ponuđenu cijenu od 238.897,25 KM bez PDV-a.

Dana 11.07.2024. godine na protokol Ugovornog organa zaprimljena je žalba na Odluku o izboru najpovoljnijeg ponuđača broj: 06-11-180-11/24 od 28.06.2024. godine, od strane ponuđača HIFA – PETROL d.o.o. Sarajevo. Po osnovu iste Komisija se izjasnila te je žalbu zajedno sa čitavom dokumentacijom postupka javne nabavke uputila prema Uredu za razmatranje žalbi BiH na dalje postupanje.

Dana 23.09.2024. godine na protokol Ugovornog organa zaprimljeno je Rješenje o usvajanju žalbe od strane Ureda za razmatranje žalbi BiH broj: JN2-03-07-1-2088-8/24 od 19.09.2024. godine (u daljem tekstu: Rješenje) uz obavezu traženja pojašnjenja ponuđačima u vezi dostavljenih potvrda o uredno izvršenim ugovorima i usklađenosti istih sa standardom BAS 1002:2014.

Dana 01.10.2024. godine, Komisija je na sjednici sačinila dokument kojim od svih učesnika u predmetnom postupku javne nabavke traži pojašnjenje dostavljenih potvrda u ponudi koje se odnose za uredno izvršena najmanje tri (3) ugovora za ovaj predmet nabavke u posljednje tri (3) godine (računajući period do datuma objavljivanja Obavještenja o nabavci), uz predočenje dokaza (tehnička specifikacija, ugovor, potvrda/certifikat ili slični dokaz) za iste, kako bi ugovorni organ utvrdio da li standard BAS 1002, koji je naveden u potvrdama odnosno da li se ugovori za isporuku lož ulja ekstra lako LUEL BAS 1002 odnose na ugovore za isporuku lož ulja ekstra lako LUEL BAS 1002:2014.

Nakon zaprimljenih pojašnjenja dostavljenih od strane ponuđača, Komisija je na sjednici održanoj dana 28.10.2024. godine sa početkom od 16:05 sati razmatrala dostavljena pojašnjenja i zaključila da od ponuđača ALMY d.o.o. Zenica zatraži dodatno pojašnjenje.

Nakon postupanja u skladu sa Rješenjem odnosno traženja pojašnjenja od strane ponuđača te dostavljenih pojašnjenja od strane ponuđača u vezi dostavljenih potvrda o uredno izvršenim ugovorima i usklađenosti istih sa standardom BAS 1002:2014, Komisija je na zatvorenoj sjednici održanoj dana, 11.11.2024. godine, sa početkom u 16:05 sati započela sa pregledom i ocjenom ponuda konstatovala da sva tri ponuđača ispunjavaju uslove tražene tenderskom dokumentacijom.

Obzirom da je za ovaj postupak javne nabavke predviđena e-aukcija, službenik za javne nabavke je E-aukciju zakazao i održao prema odredbama Pravilnika o uslovima i načinu korištenja E-aukcije („Službeni glasnik Bosne i Hercegovine“, broj 80/23). Komisija je, nakon provedene E-aukcije i dostavljanja izvještaja, od strane službenika za javne nabavke, utvrdila konačnu listu prihvatljivih ponuda prema kriteriju za izbor ponude (najniža cijena).

Da je Komisija za nabavku, dala Preporuku Ugovornom organu broj: 06-11-180-20/24 od 14.11.2024. godine da se donese Odluka o izboru najpovoljnijeg ponuđača, broj: 06-11-180-22/24 kojom se Okvirni sporazum o nabavci lož ulja extra lako (LUEL) prema BAS 1002:2014 za zagrijavanje prostorija dodjeljuje ponuđaču HIFA - PETROL d.o.o. Sarajevo.

Da je Komisija za nabavku sačinila odgovarajući prijedlog odluke kojim se Okvirni sporazum o sukcesivnoj nabavci lož ulja extra lako (LUEL) prema BAS 1002:2014 za zagrijavanje prostorija, dodjeljuje ponuđaču HIFA - PETROL d.o.o. Sarajevo za ponuđenu cijenu od 151.575,00 KM bez PDV-a.

U postupku donošenja ove Odluke, posebno su cijenjene činjenice da je Komisija za nabavke u skladu sa kriterijima iz tenderske dokumentacije, pravilno i u potpunosti izvršila ocjenu kvalifikovanosti ponuđača, kao i pregled i ocjenu ponuda.

U postupku ocjene provedenog postupka predmetne nabavke, rukovodilac Ugovornog organa nije našao razloge nepravilnosti niti propuste u radu, koje bi eventualno bili osnov za neprihvatanje Preporuke Komisija za nabavku.

Naime, u postupku je ocijenjeno, da je Komisija za nabavku u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, podzakonskim i općim aktima, kao i tenderskom dokumentacijom.

Uvidom u priloženu dokumentaciju, nesporno je da je ponuda izabranog ponuđača HIFA - PETROL d.o.o. iz Sarajeva najbolje ocijenjena prema kriteriju za izbor (najniža cijena) u ukupnom iznosu od od 151.575,00 KM bez PDV-a, te da ispunjava sve uslove zadane tenderskom dokumentacijom.

Iz navedenih razloga, primjenom člana 64. stav (1) tačka b), člana 70 ZJN i člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, Filijala Mostar, putem Ugovornog organa, kao prvostepenog organa i to na način propisan odredbama člana 99. ZJN. Ugovorni organ će postupati po žalbi na način propisan odredbama člana 100. ZJN.

Dostavljeno:

- Ponuđačima
- Sektoru za materijalno- finansijske poslove KUCZ KS
- a/a